

**UDALBATZAK 2013KO OTSAILAREN 26AN EGINIKO OHIKO OSOKO  
BILKURARI DAGOKION AKTA**

Errenteriako Udaletxean, bi mila hamahiruko otsailaren 26ko arratsaldeko 18:30 zirela, lehenengo deialdian eta Julen MENDOZA PEREZ alkate jaunaren esanetara, ondoko zinegotziak elkartu dira:

- Garazi LOPEZ DE ECHEZARRETA AUZMENDI
- Luis Maria DIEZ GABILONDO
- Miren Alazne KORTA ZULAIKA
- Unai UNSUAIN ELVIRA
- Iruna BALENCIAGA ARRESE
- Jon TXASKO ORGILLES
- Asier MUJIKA ETXANIZ
- Maria RODRIGUEZ RODRIGUEZ
- Joaquin ACOSTA PACHECO
- Joseba ECHARTE MARTIN
- M<sup>a</sup> Angeles MACHIN RODRIGUEZ
- Jose Angel RODRIGUEZ MEDINA
- M<sup>a</sup> del Mar CARRILLO GASCON
- Isaac PALENCIA CABALLERO
- Maite PEÑA LOPEZ
- Jose Ignacio IRASTORZA GARCIA
- Marta BAREA JUARISTI
- Jose Manuel HERZOG DE BUSTOS
- M<sup>a</sup> Angeles BASTOS FERNANDEZ
- Jose Manuel FERRADAS FREIJO

Era berean, bertan dago Txema Arenzana udal kontu-hartzailea.

Bertan dago, ekitaldiaz fede emateko, Begoña BUENO BARRANCO idazkaria.

**1. Udalbatzak 2012ko abenduaren 20an eginiko ohiko osoko bilkurari dagokion aktaren irakurketa eta onespena, bidezkoa bada.**

Idazkariak Udalbatzak 2012ko abenduaren 20an eginiko ohiko osoko bilkurari dagokion akta irakurritakoan.

Inolako aldaketarik egin gabe onartu dute.

**2. Ondorengo ebazpenen berri ematea: Alkatetzarenak (36 zk.etik 117 zk.era, biak barne), Zinegotzi-ordezkarienak (94**

### **zk.etik 250 zk.era, biek barne) eta Tokiko Gobernu Batzordearenak.**

Idazkariordeak ondorengo ebazpenen berri eman du: Alkatetzarenak (36 zk.etik 117 zk.era, biak barne), Zinegotzi-ordezkarienak (94 zk.etik 250 zk.era, biek barne) eta Tokiko Gobernu Batzordearenak.

Udalbatza jakinaren gainean geratu da.

### **3. Proposamena: Errenteriako HAPOren 26 Areak: Gerontologiako eta LSEZ/5 Erabilera definiturik gabeko zona babestuan 5. barne-aldaketa egiteko behin-behineko onespena ematea.**

#### **Aurrekariak.-**

2012ko otsailaren 27an, Hirigintza Planeamendurako Aholku Batzordeak aldeko irizpena eman zioan *Errenteriako HAPOren 5. Aldaketa Puntualari, 26 Area: Gerontologokoa eremuari eta LSEZ/5: erabilera definiturik gabeko zona babestuaren zati bati dagokiena.*

2012ko martxoan, burutu zen HAPOren Aldaketa Puntual horien inguruko herritarrek parte hartzeko programa.

2012ko uztailaren 19an, Udalbatzak hasierako onespena eman zion *Errenteriako HAPOren 5. Aldaketa Puntuala, 26 Area: Gerontologia eremuari eta LSEZ/5: erabilera definiturik gabeko zona babestuaren zati bati dagokiena. 2012-Uztaila dokumentuari.* Dokumentu horretan jasota dago *Ingurumen Inpaktuaren baterako Ebaluazioari buruzko Azterlana* (aldi berean, Ingurumen Iraunkortasunaren Txostena jasotzen duena), Estudio Beldarrain, S.L.P. Estudioak idatzitako dokumentuaren arabera.

Akordioari buruzko iragarkia Gipuzkoako Aldizkari Ofizialean argitaratu zen, 2012ko abuztuaren 3an, 148 zenbakian. Baita 2012ko abuztuaren 2ko "Berria" eta 2012ko abuztuaren 9ko "El Diario Vasco" egunkarietan ere.

*Errenteriako HAPOren 5. Aldaketa Puntuala, 26 Area: Gerontologia eremuari eta LSEZ/5: erabilera definiturik gabeko zona babestuaren zati bati dagokienaren eta baita Ingurumen Inpaktuaren baterako Ebaluazioari buruzko Azterlanaren jendaurreko informazio epean ez da alegaziorik aurkeztu, 2012ko urriaren 4an, Idazkariak eman zuen agirian adierazitakoari jarraiki.*

2012ko abuztuaren leian, Uraren Euskal Agentziari bidali zitzaion espedientearen hasierako onspen akordioa eta dagokion txostena ematea eskatu zitzaion. Erakunde horrek 2012ko urriaren 9an bidali zuen idatzian adierazten denez, aldaketaren edukiak ez dauka eragin nabarmenik erakundearen eskumeneko gaietan edo kudeaketa eremuan.

Era berean, Udal mugakidea den heinean, hasierako onspen akordioa bidali zitzaion Donostiako Udalari. Udal horrek 2012ko irailaren 7an bidalitako idatzian jakinarazten du akordioa egokitzat jo dela.

Bidezko tramiteak egin ondoren, 2012ko irailaren 10eko Eusko Jaurlaritzako Ingurumen Sailburuordetzaren Ebazpenaren bitartez, gauzatu

zen HAPOren 5. Aldaketa Puntualari buruzko Ingurumen Inpaktuaren aurre-  
txostena.

Gerora, 9/2006 Legearen 10. artikuluan xedatutakoari jarraiki, 2012ko  
urriaren lean, bidali zitzaien Ingurumen Inpaktuaren baterako Ebaluazioari  
buruzko Azterlana eragindako Administrazio publikoei. Hain zuzen ere  
edozein kontsultatarako, Erreferentzia Dokumentuan adierazitako  
administrazioei.

Eragindako administrazio publikoei kontsulta egin zaie, eta Eusko  
Jaurlaritzaren Osasun Zuzendaritzak, IHOBek eta Eusko Jaurlaritzaren Landa  
eta Itsasertzaren Garapenerako Zuzendaritzak erantzun dute. Horietatik  
lehenengo biek ez dute inolako eragozpenik jarri eta hirugarrenak adierazi  
du "Zuzendaritzak 2011ko maiatzean dagoeneko txostena eman zuela,  
espedientearen Ingurumen Eraginaren Ebaluaziorako alde aurreko kontsulten  
tramitearen markoaren baitan, eta gomendioa eman zuela EICIA azterketak  
nekazaritza sektorearen gaineko eraginaren ebaluazioa egitearen  
egokitasunaz, hain zuzen ere, proposatutako Area berriak eragindako  
nekazaritza ustiategiaren gaineko ebaluazioa, eta behar izanez gero, bidezko  
neurri zuzentzaileak jar daitezela". Txostenaren arabera, proposamen hori ez  
da kontuan hartu Ingurumen Iraunkortasunari buruzko txostenean (2012ko  
apirila) eta berriro aipatu txostenera igortzen du.

2013ko otsailaren 7an, sustatzaileek idatzi bat aurkeztu dute 2012ko  
otsailean Beldarrain, S.L. Estudioak y Arrue & Jauregui Abogados  
Asociados, S.C.P.-k idatzitako "*Errenteriako HAPOren 5. Aldaketa  
Puntualari, 26 Area: Gerontologia eremuari eta LSEZ/5: erabilera  
definiturik gabeko zona babestuaren zati bati dagokiena*" aldaketa behin-  
behinekoz onartu dadin. Horretaz gain, "*Documento Complementario al Informe  
de Sostenibilidad Ambiental*" izeneko agiria aurkeztu dute, Ekolur Asesoría  
Ambiental SLk eta 5. Aldaketaren agiria idatzi duen ekipoak 2012ko abenduan  
egina. Azkeneko agiri osagarri hori egin da 2012-09-17ko Ingurumen  
Eraginaren alde aurreko Txostenean (IPIA) aipatutako kontsiderazioei  
erantzuteko.

2012ko otsailaren 7an, Ramón Ruiz de Mendoza udal arkitektoak eta  
Iñaki Azkarate ingurumeneko udal teknikariak behin-behineko onespeneraren  
aldeko elkarrekin egindako txostena eman dute.

2013ko otsailaren 7an, Vicente Castiella udal aholkulari juridikoak  
eman du dagokion txostena, Begoña Bueno Barranco Udalaren idazkariak ontzat  
emana.

Hirigintza Batzordearen proposamena ikusitakoan.

Udalbatzak, aho batez, eta Udalbatza osatzen duten gehiengo osoaren  
quorumarekin,

**E R A B A K I D U**

1.- **Behin-behineko onespenera ematea Errenteriako HAPOren 5. Aldaketari, 26  
Area: Gerontologia eremuari eta LSEZ/5: erabilera definiturik gabeko zona  
babestuaren zati bati dagokiena.** Beti ere aintzat hartuta 2013ko otsaileko  
dokumentua, eta baita **Ingurumen Inpaktuaren baterako Ebaluazioari buruzko  
Azterlana** ere (aldi berean, Ingurumen Iraunkortasunaren Txostena jasotzen  
duena), Estudio Beldarrain, S.L.P. eta Arrue & Jauregui Abogados Asociados,  
S.C.P.-ek idatzitako dokumentua, hala nola "**Ingurumen Iraunkortasunaren**

**Txostenaren -dokumentu osagarria**", 2012ko abendukoa Ekolur Asesoría Ambiental, S.L. Eta 5. Aldaketaren dokumentua egin duten beraiek idatzia. 2012ko uztaileko Ingurumen Iraunkortasunaren txostenak eta horren 2012ko abendukoa dokumentu osagarriak jasotzen duenaren artean ezberdintasunik izanez gero, azkeneko honek xedatzen duena balioko du.

2.- Akordio honen **berri ematea** Beraungo Auzo Elkarteari

3.- Ingurumen Inpaktuari buruzko **behin betiko txostena eskatzea** Eusko Jaurlaritzako Ingurumen Sailari, uztailaren 22ko 183/2003 Dekretuan ezarritakoari jarraiki.

4.- **Bidaltzea** administrazio-espeditentea, dokumentazio teknikoarekin batera, Ingurumen eta Lurralde Antolamendu Sailari, dokumentuari behin betiko onespena eman aurreko nahitaezko txostena eskatzeko. Hori guztia 2/2006 Legearen 91.2 artikulua xedatutakoari jarraiki.

5.- **Jakinaraztea** akordio hau Errenta eta Ordainarazpenak Sailari.

#### **4. Proposamena: Errenteriako Baratza Sozialak eta Ekologikoak esleitzeko eta kudeatzeko araudiari hasierako onespena ematea.**

Fundacion Arteaga Fundazioa (Kutxa Ekogunea) Gipuzkoan proiektua sustatzen ari da baratze ekologikoen sarea sortzeko, hain zuzen ere BARATZE PARKEA izenekoa.

Errenteriako Udalak eta Fundacion Arteaga Fundazioak (Kutxa Ekogunea) interesa erakutsi dute lankidetzan aritzeko BARATZE Parkearen proiektuan. Lankidetzaren helburua da Errenteriako udalerrian erabilera publikoko baratzeak sortu eta proiektu horren fase guztietan elkarlanean jardutea, horretarako bidezko hitzarmena sinatu da, 2013ko urtarrilaren 29ko Udalbatzak harturiko akordioaren bidez.

Proiektuarekin jarraitzeko beharrezkoa da, batetik, Arramendin baratza sozial eta ekologikoak kokatuko diren lur eremua egokitzea, eta, bestetik, araudi bat onartzea Errenteriako Baratza Parkearen erabilera, etekina ateratzea eta aprobetxamendua erregulatzeko.

Ondoren, baratzeak adjudikatzeko prozesuari ekingo zaio.

Araudi bat egin da Errenteriako Baratze Ekologikoak esleitzeko eta kudeaketa erregulatzeko.

Araudi horrek arautzen du Errenteriako Baratze Parkeko lursailen erabilera, etekina ateratzea eta aprobetxamendua, hala nola baratzeak esleitzeko prozedura, baratzeak lantzeko jardura eta erabiltzaileen ardura.

Horrenbestez, proposatzen da aipaturiko Araudia onartzea. Hori guztia, toki-erakundeek arautzeko eta auto-antolatzeko

daukaten ahala baliatuz, Tokiko Araubide-oinarriak arautzen dituen Legearen 4. artikuluan aurreikusiarri jarraiki.

Kontratazio eta Ondarea Saileko arduradunak txostena eman du

Lehendakaritza Batzordearen proposamena ikusitakoan.

Mintzatu dira:

\* Ferradas jaunak (Errenteriako Ezkerra) esan du osoko bilkurara ekarritako Araudia, bere iritziz, urrats bat dela, begi-bistatako urrats garrantzitsua Arramendin baratza ekologikoak martxan jartzeko hain zuzen ere. Gaineratu duenez, pauso hori osatuko dute laster obrak esleituko dituztelako, eta ondoren, Idazkariak adierazi duen moduan, baratzak erabiltzeko lizentziak emateko deialdiarekin. Horrela, berak aldeko botoa eskatzen du funtzionamendu onerako irizpide zenbait eta jarraibide batzuek ezartzen dituen Araudi honetarako. Ildo horri jarraiki, erabiltzeko printzipio orokor gisa, instalakuntzak ondo erabiltzeko errespetu-printzipioa ezarri dute, baita ere ingurumen aldetik zaintzeko eta mantentze-printzipio zenbait. Puntu hau nabarmendu nahi du, hain zuzen izenburuak dioen moduan, baratza ekologikoak dira, printzipio hori bermatzeko baldintza batzuek dituenak. Azkenik, auto-hornikuntza-printzipioa aitatu nahi du, ez delako diru-sarrerara alternatibo bat bilatu nahi, nork bere kontsumorako produktu zenbait erdiestea baizik. Bestalde, Araudiak, era berean, ezartzen ditu pertsona onuratuak bete beharko dituen baldintzak, lizentziak emateko deialdian xehekiago garatuko dituztenak. Gainera baratzaren neurriaren araberako kuota batzuek ezarriko dira mantentze-gastuei aurre egin ahal izateko. Bere aburuz, hau urrats bat gehiago da, Legeak ematera behartzen dituenak. Horrela, dena aurreikusi bezala ateratzen bada, espero du baratzak uda-hasieran martxan egotea.

\* Peña andreak (EAJ/PNV) esan du bere taldeak ere egoki ikusten zuela baratzak esleitzeko eta kudeatzeko Araudia bat egitea. Horrela, bere taldeak batzordean aldeko botoa eman zuen eta osoko bilkuran ere gauza bera egingo du. Euren aburuz garrantzitsua da irizpide horiek arautzea, izpiritua bera ere Araudian jasota geratzen delako. Halaber garrantzitsua iruditzen zaie esleitzeko prozedura ere zein izango den arautzea, zer egingo den baratzetan, pertsonen erantzukizuna, zein izango diren esleipendunak izango dituzten eskubideak eta bete-beharrak. Era berean, garrantzitsua iruditzen zaie hasiera bertatik jakinaraztea ez duela helburu ekonomikorik,

autokontsumorako bakarrik izango direla. Horrela, egindako lana begi onez ikusten badute ere -eurek sostengua emango diote-, azpimarratu nahi du, aktan jasota gera dadin, oraindik asko dagoela egiteke. Izan ere, lehenengo eta behin, dokumentu honetan jasota ez dagoen eta geroago ezarri beharko duten baremazioa aitatu beharko dute. Erabaki beharko dituzte, dokumentu honetako azken xedeak betetzearren, zein izango diren jarraipen-bideak. Eta, hausnarketa modura edo, gerora egin beharreko lanerako Udalak lur-zatien % 10 beretzat gordetzen du, beharbada, sozialki beharrak dituzten pertsonen lot dakizkiokeenak; enplegua ez, baina okupazioa izan dezaketenenak. Ondorioz, bere taldeak aldeko bozka emango du eta adierazitako puntuen alde lana egiteko prest egongo dira.

Mintzaldiak amaitutakoan.

Udalbatzak, aho batez,

#### **E R A B A K I D U**

1.- Hasierako onespena ematea Errenteriako Baratza Ekologikoak esleitu eta kudeaketa erregulatzeko Araudiari, espedienteari, I. Eranskin gisa, gehitu zaiona.

2.- Zabaltzea jendaurreko informazio eta interesatuen entzunaldirako hogoita hamar eguneko epea, bi erabaki horiei buruzko erreklamazioak eta iradokizunak egin ahal izateko. Horiek guztiak Udalbatzak erabakiko ditu behin betiko akordioa onar dadin.

Erreklamaziorik edo iradokizunik aurkeztu ezean, behin betiko onartutzat joko da behin behineko akordioa.

3.- Toki Araubideen Oinarriak arautzen duen 7/1985 Legearen, apirilaren 2koa, 56.1, 65.2 eta 70.2 artikuluetan xedatutakoaren arabera, erregelamendua honela indarrean jarri eta argitaratuko da:

- Behin betiko onespeneri buruzko akordioa Estatuko Administrazioari eta Euskal Autonomia Erkidegoko Administrazioari jakinaraziko zaie.

- Jakinarazpena jasotzen denetik hamabost eguneko epea igarotakoan, araudiaren testua Gipuzkoako Aldizkari Ofizialean argitaratuko da.

- Errenteriako Baratze Ekologikoen Esleipena eta Kudeaketaren Araudia indarrean sartuko da GAOn argitaratu biharamunean.

#### **5. Mozioa, O.E. BILDU, Errenteriako Ezkerra, Socialistas Vascos-Euskal Sozialistak, EAJ/PNV eta PP alderdiek kutsadura elektromagnetikoari buruz aurkeztua.**

O.E. BILDU, Errenteriako Ezkerra, Socialistas Vascos-Euskal Sozialistak, EAJ/PNV eta PP alderdiek kutsadura elektromagnetikoari buruz ondoko mozioa aurkeztu dute:

"Uhin elektromagnetikoek Ingurumenaren eta osasunaren gainean duten eragina eztabaida eta kezka iturri izan dira azken urteotan.

Kezka hori areagotu egin da uhin igortzaileak, haririk gabeko telekomunikazio azpiegiturak esaterako (frekuentzia handiko uhinak), zein beste instalazio batzuk (frekuentzia baxuko uhinak) direla-eta.

OMEk (Osasunaren Mundu Erakundea) eta horren mendeko erakundea den IARCK (International Agency for Research on Cancer) oso frekuentzia baxuko eremu elektromagnetikoak eta frekuentzia altuko irradiazio elektromagnetikoak "gizakientzat kaltegarriak izan daitezkeen" atalean sailkatu dituzte.

Egoera horrek eragin du ingurumena eta osasuna babestearen aldeko lana egiten duten erakundeek aholkuak eman eta gaiari buruzko eskaerak egin izana. Hori horrela, jakinarazi dute jendearentzat ezarritako eremu elektromagnetikoen aurreko esposizio mugak zaharkituta daudela, ez baitira 1999. urteaz geroztik egokitu eta, adierazi dutenez, ez dituzte kolektibo sentsibleenak kontuan hartzen.

Ildo horretan, Europako Kontseiluaren Batzorde Parlamentarioak, 2011ko maiatzaren 27ko 1815 ebazpenean honakoa dio:

"Bilakaera zientifikoak arriskua nahikoa ziurtasunez zehaztea ahalbidetzen duenean arreta printzipioa aplikatu behar da. Bereziki, biztanleria gero eta esposizio handiagoak pairatzen dituen testuinguru batean, gazteria eta haurrak bezalako talde zaurgarriak barne. Alderdi horrek koste izugarri handiak eragingo lituzke giza eta ekonomiaren alorrean alertak pizten diren unean bertan jardungo ez balitz".

Euskal Parlamentuak 2011ko urriaren 5ean egindako osoko bilkuran Eusko Jaurlaritzari eskatu zion Europako Kontseiluaren Batzorde Parlamentarioaren aipatu 1815 ebazpen horrekin bat egiteko.

Era berean, Gipuzkoako Batzar Orokorrek, 2012ko ekainaren 22ko 72/2012 ebazpenean, ondorengoa adierazi zuten: "Gipuzkoako Batzar Orokorren atxikimendua adierazten diote Europar Kontseiluaren 1815 ebazpenari. Gainera, dei egiten die Foru Aldundiari eta Gipuzkoako udalei aipatu ebazpenarekin bat egin dezaten".

Adierazitakoagatik eta legediak tokiko erakundeei ematen dizkien eskumenak kontuan izanda, Udalbatzari honako mozio hau aurkezten diogu onar dezan.

1.- Errenteriako Udaleko Udaltzarak bat egiten du Europako Kontseiluaren Batzarre Parlamentarioaren 2011ko maiatzaren 27ko 1815 ebazpenarekin.

2.- Errenteriako Udaleko Udaltza udalerrian aipatu ebazpenean jasotako gomendioak ezartzearen alde dago, Gipuzkoako Batzar Orokorrek 2012ko ekainaren 22an 72/2012 ebazpenean egindako eskaerari erantzuteko.

3.- Errenteriako Udaleko Udaltzarak Espainiako Estatuari eskatzen dio 1815 ebazpenaren barruko gomendioak jaso eta telekomunikazioen legediaren garapenean aplikatu ditzan."

Ondoren, mintzatu dira:

\* Ferradas jaunak (Errenteriako Ezkerra) esan du bere taldeari poza ematen diola mozio hau une honetan Udaltza osatzen duten bost alderdiek abalaturik etortzea, eta, espero du, onartzea. Bere aburuz, abalaturik dator, hain zuzen, herri honetan etengabe eremu elektromagnetiko pean egonda sorturiko kutsadura elektromagnetikoa ematen delako. Bere iritziz, gainera, denak jakinaren gainean daude azken boladan azpiegitura elektronikoa eta telekomunikazio-sareak asko ugartu direla, kasu zenbaitetan, hirigintza-arazoez gainera, batez ere ingurumen-mailan eta osasun publikoan eragiten dutenak. Horregatik, haren iritziz, garrantzitsua da Europa mailan dauden legeria-markoak, gaur osoko bilkurara berresteko ekarri duten Ebazpena, hala nola Estatu, Erkidego eta herri mailan gai hau aboratzeko orduan oinarritutako arreta-printzipioari jarraiki jardutea, Ebazpenak ongi aski deskribatzen duen moduan, beti aplikatu behar dena, baita eboluzio zientifikoak arrisku zenbait nahikoa zehaztasunekin determinatzen ez dituzten ere. Kutsadura elektromagnetikoa, bere aburuz, logika horretatik aboratzeko baldintza bat da egun denek deitoratzen dituzten egoerak berriro errepikatuz ez daitezkeen. Halaxe dio ere Europako Legebiltzarreko parlamentarien Asanbladaren Ebazpenak sorturiko arazoaren inguruan esandakoak ere, gaineratu du. Zentzu horretan, eztabaida zientifikoa mahai gainean dago, eta begi bistakoa da Legebiltzarreko Batzarren 1815 Ebazpenak bost alorretan neurri zenbait ezartzen dituela. Bere aburuz eurek ahalegin bat egin behar dute telekomunikazio-sareko instalakuntza erradio-elektrikoak arautzeko egungo Udal Araudian bere eragina izan dezan. Bere iritziz, gaur onartzea espero duen mozioaren bigarren puntuak dioten moduan, denek nahi dute, nolazpait, herrian aplikatzea goian jasotako aholkuak. Berak eta, uste du, Udaleko gainontzeko zinegotziek ere, halaxe egingo dutela, herrian bizi direnentzako arriskuren bat egon daitekeela sentibilizatuta daudelako. Bere aburuz, Udal hau ez daiteke kontu hauetan auzo-ingurukoak baino atzerago ibili, eta, ahal duten neurrian, lagundu behar dute, herriko ikastetxe zenbaitetan batez ere, telekomunikazio-instalakuntza zenbaitek eragiten duen kezka kentzen.



Gainera, jakin badaki, neurketa zenbait egin dituztela, eta horiek kezka eta ziurgabetasun hori baieztatzen dutela, hain zuzen ere. Hori horrela, mozioaren aldeko botoa eskatuz amaitu nahi du, besteak beste, onartuko dutenarekin koherenteak izateko. Eta, berriro dio, 1815 Ebazpenean jasotako aholkuak egungo Udal Araudian jaso behar dituztela.

\* Herzog jaunak (PP) esan du pertsonen osasuna eta ongizatea lehenetasunezko kontua dela administrazio publikoentzat. Erradiazio-elektromagnetiko iturriak gehitzea gure inguruan biztanleriarentzat alarma-iturri da. Hortaz, udalek derrigortuta daude gaiaren inguruan zerbait egitera. Gainera, biztanleriak ekonomia-kontuengatik saihestu daitezkeela pentsatzen duen araudi zenbait daude, eurek, ordea, hori horrela gertatu ez dadin bermatu behar dute. Aitzitik, erne egon behar dute eta erradiazio-elektromagnetikoen mailak pertsonen -oso sentsibleak direnak eragiten diela esaten dielako- ongizateari ez diela eragingo bermatzeko bitartekoak dituzten bezain laster, Europako Batasunean eta Estatu Espainiarrean orokorki legeztatutakoa osoko bilkurara eta udal-xedapenetara eraman beste erremediorik ez dute.

\* Peña andreak (EAJ/PNV) esan du mozioaren aldeko apustua egingo dutela. Hala ere, kontu bat nabarmendu nahi du, hain zuzen mozio hau idazteko garian nagusi izan den kezka, ardura eta alarmarik ez sortzeko ahalegina. Egia da -dio- askotan aipatu dituztela elektromagnetiko-eremuko ondorioak -kasu honetan maiztasun apaleko eta goi maiztasunekoei eragindakoak- zer nolako eragina izan dezaketen pertsonengan. Osasunaren Mundu Erakundeak (OME) dio pertsonengan izan ditzakeen ondorio kaltegarriak, eta oraingoz benetakoa denik ez daitekeenez egiaztatu, mozio honetan ez da alarmarik sortzen eta dei egiten da arduraz eta prebentzioarekin jarduteko, erakunde honek ingurumena eta osasuna zaindu nahi dituelako. Horrela, uste du derrigortuta daudela lana egitera, hain justu emandako aholkuak herrian ere bete daitezzen. Beste erakundeek ere egiten ari direla ikusten ari dira, eta ondorioz, herrian aplikatu daitezzen Ebazpen horretan jasotako aholkuak eta Udal honek 1815 Ebazpenarekin bat egin dezanaren alde bozkatuko dute, eta, nola ez, Europako Legebiltzarra, Euskal Legebiltzarra eta Foru Aldundiatik eskatu Estatu Espainolari aholku hauek jaso eta aplikatzeko. Gainera, alderdi guztiek mozio hau sostengatu izana oso era positiboan baloratzen du.

\* Jose Angel Rodriguez jaunak (Socialistas Vascos - Euskal Sozialistak) esan du, bere aburuz, dena esanda dagoela. Eurek mozioaren alde egingo dute eta espero dute elektromagnetiko-aferra hobetzea, eta 1815 Ebazpena Eusko Jaurlaritzak, Batzar Nagusiak eta udalek bereganatzea.

\* Luis M<sup>a</sup> Diez jaunak (O.E. BILDU) esan du pozez beterik dagoela, denek gaia aurrera eramatearen alde azaldu direlako, batez ere, elektromagnetiko-uhinen afera. Haren ustez teknologiak izandako garapena eta eboluzioaren ondorioz, elektromagnetiko-eremuak ikaragarri ugartu dira azken urteotan. Goi tentsioko dorrez beterik daude eta telefono-mugikorra asmatu zenetik, une hauetan, orain arte zeuden aparailu elektriko eta elektronikoz gain, hor daude antenak behar dituzten telefono-mugikorrak alanbrerik gabeko komunikabideetarako. Era berean, ordenagailuek eta wifi-sistemek uhin-elektromagnetikoak jaulkitzen dituzte, eta horiek guztiak gizartean kezka eragiten ari dira. Horrela, eztabaida hau kalean dago. Bizkitartean, OME esaten ari da herrialde garatuetan ez dagoela ebidentziarik aparailu mota hauek erabiltzen dituen pertsona helduek arriskua dutenik. Aldiz, ikerketa zientifiko pila daude justu kontrakoa esaten dutenak, eta, batez ere esaten dute etorkizunean arazoak izan daitezkeela. Horregatik, bere taldeak uste du arreta-printzipioa nagusi egon behar duela, kontu jakina den moduan, ez dakitelako zer gertatuko den hemendik urte batzuetara. Euren ustez arrisku mota hauek guztiak ekidin behar dituzte amiantorekin, berunadun gasolinarekin edo tabakoa berarekin -gizartean normalizaturiko kontua zelako, baina luzera ikusi delako osasunarentzat kaltegarria dela- gertatu zena berriro jazo ez dadin. Euren aburuz har litezkeen neurri guztiak hartu behar dira elektromagnetiko-eremuak murrizteko, batez ere telefono-mugikorrek jaulkitako irratimaiztasunak bereziki etorkizuneko gizakiak, hots, haurrak, babesteko. Gainera, uste du, prekauzio-aferarekin ikastetxeetan gehiago eragin beharko zuketela, lehen aitaturiko printzipioa aplikatu eta 1815 Ebazpenarekin bat egiteko. Era berean, muga egiten duten herriei eskatu nahi diete Ebazpen honekin bat egin dezaten, izan ere, gerta baitaiteke herriren batek ez egitea eta telefonoaren inguruko enpresen pikarokeria dela medio herri horietan jartzea. Bere taldeak onartzen du 1815 Ebazpena, eta, denak bat datozen puntuak onartzeaz gain, eskatuko liekete inguruko herriei bat egin dezaten berorrek.

Mintzaldiak amaitutakoan.

Udalbatzak, aho batez,

**E R A B A K I D U**

- **Onartzea** O.E. BILDU, Errenteriako Ezkerra, Socialistas Vascos-Euskal Sozialistak, EAJ/PNV eta PP alderdiek kutsadura elektromagnetikoari buruz aurkezturiko mozioa.

## **5. Galdera-eskariak.**

Inork ez du galdera-eskaririk egin.

-----

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 19:05 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, \_\_\_\_\_zenbakitik \_\_\_\_\_ra, eta nirekin batera Alkateak sinatu du. Egiaztatzen dut.